

حقوقي بيلکيلر مجموعه سي

هر آي صوکنده نشر اولنور

بر قاعده وضع ابدیه بیلیرز : حق بولونامیان یرده حق اوزرنده تصرفده بولونماز .
تصرفک حاکمیت فعلیه دیمک اولمادیغی بوراده داها واضح بر شکله کوزه چارپار .
خلاصه حقوق ، تصرفی ملکیتک علامت طبیعی سی اولدوغندن دولای محافظه ایتمکده در .
بالطبع بوحایه حق صاحببری ایچون وضع اولونمشدی ؛ آنجاق صاحب حق اولمایانلرکده
استفاده لری ضرور یدر . چونکه بونلرک بغیر حق واقع اولان تصرفلرینی متصرفلرک نزع
صلاحیتلری واردر .

نظام عامه ایجاباتی اولارق مالک اولان اشخاصک حقوق انتفاعیه سی حایه واضح
قانونه عائددر . غاصب ویا سارقک تصرف احتمالی نظر دفته آلارق تصرفه ماهیت حقوقیه
اضافه ایتمک حقوقی ترسندن کورمکه مساویدر .

برنجی تجارت محکمه سی رئیس

احمد احمد

حقوق جزا

اسباب برائتدن « قانونک بر حکمنی ویا صلاحیتدار بر مرجعدن ویریلن

امری اجرا » و قیود قانونیه خارجنده بویله بر حکمک ویا امرک

اجراسی حالنده کی معذرت مخففه

جزا قانونک ۴۹ نجی ماده سنک بر نومروسی - ۵۰ نجی ماده سی -

اسباب برائتک برنجیسنندن باحث اولان ۴۹ نجی ماده قانونیه نک برنجی بندی ایکی
حکمی محتویدر : بونلردن بری قانونک بر حکمنی اجرا صورتیه ایشله نیلن فعللره
ودیکری ده صلاحیتدار بر مرجعدن ویریلوب انفاذی وظیفه ضروری اولان برامری
اجرا صورتیه ایشله نیلن صورچلره متدائردر .

برنجی حکم — قانونک بر حکمنی اجرا صورتیه ایشله نیلن فعللرک اسناد قابلیت
برطرف ایدیلرک فاعلک برائتی مستلزمدر . بوراده موضوع بحث اولان « قانون »
کله سنندن مقصود بالطبع تورک قانونیدر .

بناءً عليه بر قانون اجنبی هیچ بر کیسه نك وارد خاطری اولماز. كذلك بو «قانون»
 كله سندن مقصود اولان کیفیت ه جزا قانونی ایله اوکا متفرع قانونلردر [۱]، بوقسه
 علم حقوق قواعدندن بری دكلدر . بناءً عليه جزا قانونك مأموریت موقع نفوذینی
 سوء استعمال ایده نلره و مأموریت وظیفه لرینی یامایانلره طأد جزالری محتوی اولان
 ایکنجی کتابك اوچنجی بابنك دردنجی فصلنده و ۲۲۸ نجی ماده سنده موضوع بحث
 اولدینی وجهله دولت مأمورلرندن اولوبده بر شخص ویا بر مأمور حقهده مأموریتنه طأد
 وظیفه یی سوء استعمال ایده رك قانون و نظامك تعیین ایتدیکی احوالدن باشقه صورتده
 کیفی بر معامله یایان ویا یاپیلمسینی امر ایدن یا خود ایتدیره ن کیسه نك بر آیدن بر سنیه
 قادر حبس جزاسیله جزالذیریه جنی و بونده خصوصی بر مقصدی دخی موجود اولدینی
 آكلاشلدینی تقدیرده بوجزانك اوچده برنسبتنده تزیدد اولوناجنی صراحت قانونیه
 اقتضاسندن و كذلك هر نه وسیله ایله اولورسه اولسون مأموریت وظیفه سنی یامقده اهل
 و تراخی ایدن بر مأمورك اوتوز لیرادن یوز لیرایه قادر آغیر جزای نقدی ایله جزا-
 لاندیریه جنی و بو اهل و تراخیدن دولتجه بر مضرت حصوله كمش ایسه درجه سنه كوره
 بر آیدن اوج سنیه قادر حبس و مؤبدأ یا خود موقه مأموریتدن محرومیت جزالری ایله
 جزالاندیریه جنی و بوندن دولایي افراد ملتجه بر ضرر حاصل اولمشه بو ضررك دخی
 باشقه جه اوده تذریره جکی ۲۳۰ نجی ماده قانونیه احكامنددر . مصونیت شخصیه یی تأمین
 ایدن بوماده لر دن باشقه رشوت آلان و قانونك احكامی سوء استعمال ایله یی و بناءً عليه
 صوچك اسناد قابلیتینی ابطال ویا تخفیف ایدن احوالدن هیچ بوجهله استفاده ایده مه یی
 کیسه لر حقهده دخی ایکنجی کتابك اوچنجی بابنك اوچنجی فصلنده مندرج اولان
 ورشوته متعلق بولونان جزالر تطبیق ایدیه جكنه بناءً شو ذكر ایدیلن فصللرده مندرج
 افعال ممنوعه یی ایقاع ایتیه یوبده ۴۹ نجی ماده قانونیه نك برنجی نومرو سنده موضوع بحث
 اولدینی وجهله قانونك بر حکمنی اجرا صورتیله بر فعل ایقاع ایدن بر کیسه جزاء
 و حقوقاً معاتب اولماز . از جمله اداره عمومیه ولایات قانوننده مصرح بولوندینی یا خود

[۱] بالفرض بعض احواله خصوصی مسکنلرده تحریرات اجراسنك و مکتوبلرك پوسته خانه ده
 آچیلمه سنك جائز اولدینی اصول محاکمات جزائیة قانوننده تصریح ایدلش اولورسه اشبو تحریراتی
 یایان و مکتوبلری آچان مأمور حکم قانونی ایفا ایتش دیمك اولور .

پولیسه متعلق قوانین و نظاماتده موضوع بحث اولدینی وجهله افراد ملت علیهنده قوه مسلحه استعمال ایدن و شرائط قانونیه بی حائز اولوق قیدیله امنیت و آسایشی تأمین ایچون تدابیر زجریه قانونیه به توسل ایدن مأمورلرک ایفا ایستکلری وظیفه قانونک بر حکمی ایفا دیمک اولدیندن کندولرینک جزاء و حقوقاً معاتب طوتیلملری غیر جائزدر .

بوقاعده کلیه، حقوق فردیه بی اخلال ایدر ماهیتده دکلدر . چونکه جزا قانونک ایکنجی کتابک ایکنجی بابک اوچنجی فصلنده مذکور اولدینی وجه اوزره حریت فردیه علیهنده غیرقانونی اوله رق جرم ایقاع ایدن هرکیم اولورسه اولسون (۱۷۹ نجی ماده ایله آنی ولی ایدن ماده لری) یعنی مأمور اولسون ، اولماسون بر طاقم جزا زله جزالاندیریله جنی جهتله حریت فردیه ایچون بر تهلکه موجود دکلدر . قالدیکه افراد ملتی اغفال صورتیله حکومت مأموریتی عنواتی غضب ایدن کیسه لرک یاخود بو عنواتی آلمغه تشبث ایدن شخصلرک اوچ آیدن ایکی سنه یه قدار حبس جزاسی ایله جزالاندیریله جقلری جزا قانونک ۲۵۲ نجی ماده سنده موضوع بحث اولدینی جهتله افراد ملت بو کبی ساخته کارلقلره قارشی دخی مؤمندر ؛ یعنی حریت فردیه تحت تأمینه آلمشدر .

ایکنجی حکم — صلاحیتدار مرجع طرفندن وریلوب انفاذی وظیفه ضروری اولان بر امرک اجراسنه کلنجه : اول امرده شونی سویلیه لم که ۴۹ نجی ماده قانونیه نک برنجی بندینک محتوی اولدینی حکمده مصرح اولان امرک فاعل حقنده جزاء و حقوقاً تعقیباتی مستلزم اولماسی ایچون او امرک مافوقدن مادون موقعده کی مأموره قارشی فرداً وقوع بولماسنده یاخود تعمیم صورتیله اجرا ایدلمش بولونمسنده فرق یوقدر ؛ الیررکه کرک فرداً و کرک تعمیماً یاپیلمش بولونسون او امر شرائط قانونیه بی حائز اولسون . بناء علیه ذنبه بیلیر که بر مأمور آمرندن تلقی ایستدیکي امرک شکل خارجی اعتباریله مشروعیتی تدقیق ایتمک صلاحیتی حائزدر . بو صلاحیت مأمور ایچون بر حقدر ؛ عکس تقدیرده او مأمورک ، عصری طرز تفکر و تجسسی ایله غیر قابل تألیف اولان «بلااعتراض اطاعت *obéissance passive* » مجبوریتده بولوندیغی قبول ایتمک لازم کلیر . بناء علیه مأمور ، وریلن امرک شکل اعتباریله موافق قانون اولدینی کورور و او امری ویرن مرجعک اعطای امره صلاحیتدار بولوندیغی آکلار و کندیسیده وظیفه او امری انفاذ

ایله، سلسله مراتب اعتباریله ایفا ایله مکلف ایسه او امری اجرا ایتسی حالده قانوناً جزادن وارسته قالیر. آنجق شو قیدلرک بروجه آتی تفصیل ایدلمسی لازمدر: صلاحیتدار مرجع، دولت و یا خود ناحیهلر (ایلروده نشر ایدیلجهک اولان «نواحی قانونی» نه مراجعت) طرفدن مصالح عامه بی تدویره مأمور اولان مرجعدرکه برسلطه بی حائزدرلر یوقسه خدمتجیلر، ایشجیلر و طلبه اوزرنده سلطه صاحبی اولان افسدیلر، باترونلر و معلملر طرفدن ویریلن امرلری ایفا ایتک جزانک رفعی استلزام ایتمز. کذلک بابا و آناه قارشی برحس حرمتله مکلف اولان چوجوق طرفندن بو حرمت الجا آتی ایله یاپیلان فعللر جزانک رفعی استلزام ایلمه من [۱].

الحاصل قانونک ۴۹ نجی ماده سندنه موضوع بحث اولان مرجعک حائز اولدیقی صلاحیت، عامه اوزرنده کی سلطه ایجاباتی اوله رق حائز اولونه کلکده اولان صلاحیتدر. موضوع بحث اولان امرک انفاذنده جزانک رفعی ایچون آتی الذ کرشروطک موجودیتی لازمدر:

اولا — او امرک قانون ونظامک تثبیت ایتدیکی شکله اصدار ایدلمس اولسی.

ثانیاً — امری ویرن آمرک بو بایده صاحب صلاحیت اولسی.

ثالثاً — ویریلن امرک رفع و نقض ایدلماش اوله رق بر دوام اولسی.

رابعاً — مأمورک سلسله مراتب نقطه سندن اطاعت ایله مکلف اولسی اعتباریله

او امری ایفایه وظیفه دار بولونمسیدر.

اشبو شرطلر حقیقه تفصیلات اعطاسندن مقدم شونی علاوه ایدلم که «بوشرطلر،

أئفسی subjectif نقطه نظرندن یعنی مادون مأمورک شخصی و حالت روحیه سی جهتلرندن

دخی تقدیر ایدلمک ایجاب ایدر. فملک شأنی objectif نقطه نظرندن حقسنز اولسی

مطلقاً اجرا واسطه سیله اولان مناسبات نقطه سندن حقسنز لک اعلانه سبب تشکیل ایتمز» [۲].

ویریلن امرک شکله کلنجه: بو امر کرک فرداً ویرلمش اولسون و کرک تعلیماتمه لر

و مأمورین موظفه حقیقه لازم الاتباع اولان عمومی امرلره یاپیلمش بولونسون، اشکال

قانونیه دائره سنده صادر اولمسندن ناشی مأمور طرفندن ایفا ایدلکده اشبو مأمورک

جزادن وارسته قاله جنی آشکاردر.

[۱] بونلر اولسه اولسه اسباب محققه دن عد اولونابیلیر.

[۲] «ماینو» نك امرندن.

بو امر یا بر امر عسکری اولور (جزا قانونی ماده: ۱۴۵) یا خود پولیسجه ویرلمش بر امر (جزا قانونی ماده: ۵۲۷) بولنور. بناءً علیه قانونک ایکنجی کتابسک برنجی فصلنده مذکور اولان ووطن علیهنده کی جرملری تورکیه دولتنک متفق اولوب اتقادن دولای حرب حالنده بولنان اجنبی بر دولت علیهنده ایشلهین و بالطبع حرب دولایسیله مملکتک بولوندیغی اداره عرفیهجه اصدار ایدیلن امرلره مخالف بر صورتده حرکت ایدن کیمسه لر حقنده دخی او فصلده مندرج جزالرك تطبیق ایدیله چکی ۱۴۰ نجی ماده احکامندن بولونمسه نظراً حرب حالنده اداره عرفیهجه ویریلن امرلر مأمورین عأنده سنجه لازم الاتباع بولونمسندن ناشی ۴۹ نجی مادهده موضوع بحث اولان اسباب برآستدن اوله جنی درکار و حال صلحده بر مصیبت وفلاکت ویا قاریشقلق یا خود بویله اولمقسزین بر جرم مشهود و قوعنده مقبول بر عذره مستند اولمقسزین لازم کلن خدمت و یاردیمی یایمق ایچون مأمورین ضابطه طرفندن ویریلن امرلره هر کسک اتباع ایتمی لزومی ۲۵۷ نجی ماده نك مضمون مخالفندن آکلاشلمقده بولونمسه نظراً اشبو مأمورین ضابطه طرفندن بو کبی احوالده ویریلن امرلره اتباع ایتمک صورتیه پایلان فعللرك دخی ۴۹ نجی ماده قانونیه نك برنجی فقره سنه نظراً کذلک مستلزم مجازات اولمایه جنی آشکاردر؛ قالدی که قانون بو امرلره اتباع خصوصنده حقوق فردیهی فدا ایتماشددر. چونکه جزا قانونمز شاید او امری اعطا ایدن کیمسه لر صلاحیت قانونیهی حائز دکلر ایسه قصد جرمیسی موقع فعله وضع ضمننده غیر مسئول بریسی آلت ایدن معنوی فاعلی بوتون جزائی نتیجه لر نقطه سندن اوفعلک حقیقی فاعلی عد ایدره ک بو صورتده امر اعطا ایتملرندن ناشی کندیلرینی آیریجه جزا ایدده ایلمشدر (۴۹ نجی ماده نك صوک فقره سی ایله ۶۰ و ۶۴ نجی ماده لر و ۶۴ نجی ماده ی تعقیب ایدن ماده لر و ۲۷۹ نجی ماده) . بناءً علیه امری اعطا ایدن آمرک صلاحیتنه و آمرک شکله متعلق اولق اوزره مشترک بر قاعده دن عبارت اولان و آمرک جزا لندیرلسنی مستلزم بولونان شو صوک حکملره کوره مرجع عأندندن صادر اولان امر خلاف قانون اولدیغی [۱] تقدیرده نتیجه سندن حاصل اولان صوچه مرتب جزانک امری ویره ن آمره حکم اولوناجنی ۴۹ نجی ماده قانونیه نك صوک

[۱] اصلنده کی «صوچ تشکیل ایتدیکی تقدیرده بو صوچه مرتب جزا الخ . . .» جمله سی عیناً واضع قانونمزجه اخذ و اقتباس ایدلش اولسه ایدی یوقار . سرد ایدیلن موضوعات علیه ایله ده ا زیاده قابل تألیف اولوردی .

فقره سندن ونفوذ آئنده بولان بر مأمورك آمرنجه احكام قانونیه اخلاص ایدلك صورتیه اعطا ایدیلن امرك انفاذی صره سنده پایلان قباحك قانوناً جزاسی امری ویرهن متبوعه ویریله جکی ۶۰ نجی ماده قانونیهك ایکنجی فقره سندن آکلاشمقده اولدینی کبی صوچاره اشتراك حالده کرک فاعل اصل، کرک هم فعل حقننده عینی جزانك ویریله جکنی ناطق اولان ۶۴ نجی ماده قانونیهك فقره اولاسی ایله فقره ثانیه سی مدلوللرنجه شرائط قانونیه بی حائز اولمق سزین ویاخود خلاف قانون امر ویرهن آمرلك ویردکلی امرلر انفاذ ایدیلرکن پایلان صوچارده شریك صفتیه جزالندیریله جقلری کورولمکده در .

شونیده علاوه ایدیم که مارالذکر آمرک حائز اولسی لازم کلن شرائط میاننده اوچنجی شرط اولق اوزره اوامرک نقض یاخود رفع ایدلمهش بولونمسی ویردوام اولسی لازم ایدوکی سرد ایدلمش اولسنه بناءً شاید اوامر رفع ایدلمش بولنیورسه بالطبع آمرک مسؤلیدن تخلص ایده جکی ومأمورك ۴۹ نجی ماده قانونیهك برنجی فقره سندن استفاده ایده مه جکی وبالنتیجه دوچار مجازات اوله جنی شه سزدر .

آنجق ۴۹ نجی ماده قانونیهك برنجی فقره سنده موضوع بحث اولان ایکی حکمی مشترک برقید ایله تقييد ایتک لازم کلیر؛ قانونك برحکمی یاخود صلاحیتدار برمرجعدن ویریلوب انفاذی وظیفه ضروری اولان بر امری اجرا صره سنده قانونك یاخود صلاحیتدار مقامك تعیین ایتدیکی حدود داخلنده اوامری انفاذ ایلک لازمدر . شاید بوحدودی تجاوز ایدنلر بولونورسه جزا قانونی بومأمورلر حقننده بر اسباب معذرت قانونیه قبول ایتشد (۵۰ نجی ماده) . بناءً علیه صوچی ایقاع ائناسنده قانونجه یاخود صاحب سلطه اولانلرجه تعیین ایدیلن حدودك تجاوزی حالده صوچ اعدام ومؤید آغیر حبس جزاسنی مستلزم اولدینی تقدیرده بو جزالره بدل آلتی سنه دن اکسیك اولماق ویکرمی سنه یه قدار تمتد اولق اوزره حبس جزاسی حکم اولونور وسائر حاللرده اصل صوچه مرتب جزا آئیده برندن اکسیك ویایرسندن زیاده اولماق اوزره ایندیریلور وآغیر حبس جزاسی حبسه تحویل اولونور؛ کذلک صوچ خدمات عامه دن مؤبداً محرومیت جزاسنی مستلزم ایسه بوکا بدل خدمات عامه دن موقه محرومیت جزاسی ویریلور [۱] . اشبو ۵۰ نجی ماده قانونیه یه ضمیمه جزا قانونك ۲۲۸ و ۲۸۱ نجی

[۱] قانونك ویا صلاحیتدار مقامك تعیین ایتدیکی حدودی تجاوزحقننده بوراده سرد ایدلسی لازم کلن مطالعات ، عینی اسباب موجب دولایسیله مدافعه مشروعه حدردینی تجاوز ایدنلره دائر اولدق اشبو مجموعهك بشنجی سایسنده انتشار ایدن مقاله مده بیان ایدلمش اولدیقندن او مقاله یه مراجعت مقصدی تأمین کافیدر .

ماده لرینی بوراده ذکر ایتک موجب فائده در . اشبو ۲۲۸ نجی مادهیه نظراً دولت
مأمور لریدن هرکیم افراد ناسدن بری حقنده مأموریتنه عائد وظیفه یی سوء استعمال
ایده رک قانون و نظامک تعیین ایتدیکی احوال دن باشقه بر صورتده کینی بر معامله یا بیلمسنی
أمر ایدره، یا خود أمر ایتدیرر و یا بویله بر معامله یا پارسه بر آیدن رسنه یه قادر حبسه
محکوم ایدیه جکی کبی ۲۸۱ نجی ماده حکمنه نظراً دولت مأموری بر جرم ایشله مک
ایچون حائز اولدینی مأموریتنه عائد قوت و واسطه لری قوللاندینی تقدیرده اگر قانون
اساساً بومأمورک صفت رسمیه سنی نظر اعتباره آلامش ایسه ایقاع ایتدیکی جرم ایچون
قانوناً معین اولان جزانک آلتیده بردن اوچده بره قادر تزیید اولوناجنی درکاردر .
شو قادرکه بوخصوصده و مأمورک عامه اوزرنده بر سلطه صاحی اولسی اقتضا ایدره ؛
بونلرک کیملردن عبارت اولدینی جزا قانوننک ۲۷۹ نجی ماده سنده ذکر ایدلمش و دولتک
و یا ولایتک و ناحیه و قریه لرک نظارتی آلتنده بولونان رخدمته معاشلی و یا معاشسر دائمی
و یا موقت وظیفه کوره نلرک مأمور عد ایدلیدیکی تثبیت اولونمشدر [۲] .

اصول محاکات جزایه قومیسینی

اعضاسندن آووقات

باهر

اجرا قانونی

یکی اجرا حکملری

محترم ارقداشمر رفیق بکک صوک اجرا تعدیللری حقنده یازدقلری شو مقاله یی نشر ایتدیکن
کبی مدرس رشید بکک حبس جزایی علیننه یازدقلری مقاله یی ده ده آشاغیده نشره مسارعت ایدیبوروز:
(۹۸۰) نومرولی قانون ، موضوعات حقوقیه مزه (۱۱) ماده لک یکی اجرا حکملرینی
علاوه ایتمشدر . قانون مدنی ایله بورجلر قانونی اسویچره دن اقتباس ، اصول حقوقیه
قانونی لایحه سنی تنظیمده اسویچره نک (نوشتال) قانونی منبع اتخاذ ایتکلکمزه کوره
یکی اجرا قانوننک اسویچره فده رال اجرا قانونندن استنباط یک طبیعی و قانونلر آره .

[۲] بو بایده فضله تفصیلات آله ایتک ایچون «حقوق اداره» نک فصل مخصوصنه مراجعت
ایدلک و ۳۱ مارت سنه ۱۹۲۶ تاریخ و ۷۸۸ نومرولو مأمورین قانوننک برنجی ماده سی تدقیق
و تألیف اولونقی اقتضا ایدره .